


國立故宮博物院珍藏




清代起居注冊

咸豐朝 第二十九冊

國立故宮博物院珍藏

清代起居注冊

咸豐朝 第二十九冊



咸豐六年正月上……一六九〇九
咸豐六年正月下……一七〇二七
咸豐六年二月上……一七一三三
咸豐六年二月下……一七一九一
咸豐六年三月上……一七三二三
咸豐六年三月下……一七四六七

清代起居注冊 — 咸豐朝

(清) 沈兆霖等奉敕撰 民國72年 臺北市 聯合報
文化基金會國學文獻館印行 影印本

57冊 21公分

據國立故宮博物院藏手稿本影印

聯經出版事業公司總經理

I. (清) 沈兆霖等奉敕撰

654.77

7467

72

NT \$ 86,000.00

清代起居注冊

咸豐朝第二十九冊

資料提供者 國立故宮博物院

景印者 聯合報文化基金會國學文獻館

發行人 王必成

發行者 聯經出版事業公司

臺北市忠孝東路四段五五七號

電話：七六〇一六一六二一七

郵撥：一〇〇五五九號

行政院新聞局登記證局版臺業字〇一三〇號
保有版權・翻印必究

中華民國七十二年十二月初版

咸同兩朝共壹佰冊
定價每部新台幣八六〇〇〇元

72.12.0650

89007129

新學堂
PDG

咸豐六年歲次丙辰正月初一日己未

上詣

奉先殿行禮

堂子行禮

御太和殿受王公大臣蒙古王貝勒貝子公台吉
文武大小官員及朝鮮國琉球國使臣等朝

賀禮禮成

大高玄殿

弘仁寺拈香

壽皇殿行禮未刻

御乾清宮

賜近支宗藩等宴是日內閣奉

諭旨奕諒著加恩賞還惇郡王又奉

諭旨御前大臣上學習行走之景壽奕山均著加
恩補授御前大臣多羅貝勒載治著在御前行
走是日

起居注官德瑛阜保畢道遠殷兆鏞

初二日庚申

上御重華宮漱芳齋殿升座朝鮮國正使判中樞
府事趙得林副使吏曹判書俞章煥二人琉球

國正使紫金官向邦棟副使正議大夫毛克進

二人瞻

覲跪請

聖安

上溫語慰問並

賜王公蒙古王貝勒貝子及朝鮮國正使判中書

府事趙得林副使吏曹判書俞章煥五人疏

球國正使紫巾官向邦棟副使正議大夫毛
克進二人小食是日內閣奉

諭旨朕於二月初十日臨御經筵所有應行典禮
著各該衙門敬謹豫備又奉

諭旨上年直隸開州等三州縣被水業經降旨截
漕發帑賑濟並分別蠲緩小民諒可不致失所
惟念今春青黃不接之時民力未免拮据加恩

著將東明長垣二縣成災九分村莊極次貧民
並該二縣成災七分村莊莊極貧及保定吳橋
東光開州等四州縣成災六七八分村莊極貧
民旗加賞一月口糧成災六七八分次貧及成
災五分村莊貧民並寶坻甯河新城雄縣安州
高陽天津靜海豐潤玉田等十州縣成災五分
村莊如有貧民缺乏口糧應需接濟隨時查明

覈辦開州東明長垣保定吳橋東光寶坻甯河
新城雄縣安州高陽天津靜海豐潤玉田等十
六州縣成災五六七八九分村莊應納咸豐六
年春徵新賦糧租等項均著緩至本年秋後啟
徵其成災州縣內歉收三四分村莊並安州高
陽天津等三州縣歉收四分村莊應納咸豐六
年新賦糧租著緩至本年麥後啟徵其成熟村

莊照常徵收又勘不成災之武清薊州霸州文
安大城永清東安安肅蠡縣束鹿河間獻縣任
邱景州青縣滄州南皮鹽山慶雲晉州南和平
鄉廣宗鉅鹿任縣永年邯鄲曲周廣平雞澤磁
州元城大名南樂清豐南宮武邑衡水隆平肅
晉深州武強等四十二州縣歉收三四分村莊
除咸豐六年新賦糧租照常徵收外其原緩至

咸豐六年麥後啟徵之歉收四分村莊應徵咸
豐五年並節年糧租並歉收三分村莊應納咸
豐四年及以前糧租米豆並河淤海防經費儲
備軍餉等項地租及攤徵壩工出借倉穀等項
均緩至至本年秋後啟徵上年被擾之吳橋縣
南園子等六十七村莊東光縣大勵莊等八村
莊景州西連鎮等二村莊原緩至咸豐六年麥

後啟徵之咸豐五年下忙錢糧並河淤海防等
租均著緩至本年後後啟徵以紓民力至該州
縣災歉村莊如需接濟應借應糶倉穀等項著
該督隨時察看情形分別辦理該督即刊刻謄
黃徧行曉諭務使實惠及民毋任吏胥舞弊用
副朕始和布惠澤洽畿壘至意該部即遵諭行

又奉

諭旨上年河南蘭儀等四縣封邱等二縣被水業
經降旨分別蠲緩給予口糧並截漕發帑賑濟
小民諒可不致失所惟念今春青黃不接之時
民力未免拮据加恩著將蘭儀祥符陳留杞縣
北岸並封邱考城被災十分九分村莊極次貧
民及八分七分極貧村莊於今春展賑一月口
糧其七分分災次貧並成災五六分村莊及蘭

儀續淹之樊家寨一村概行糶借借倉穀以資接
濟該撫卽刊刻謄黃徧行曉諭務使實惠均霑
毋任吏胥舞弊用副朕春膏普被軫念民依至
意該部卽遵諭行又奉

諭旨陸元烺奏水陸兵勇收復樟樹鎮一摺逆匪
由臨江分股竄擾樟樹鎮築壘搭橋距河抵拒
經副將周鳳山督飭都司滕國獻叅將阿達春

等分路進攻該逆傾巢出拒官軍奮力鏖戰先斃六七百人賊即潰敗我軍火器齊發立燬賊壘五座焚溺無數並將賊船二十餘隻燒燬惟時河南候補知府劉于淳督率水師上岸夾擊該逆棄壘逃竄賊營礮臺悉被踏毀其經周鳳山勦敗之賊正由浮橋竄渡劉于淳與水師營官賀虎臣開礮轟擊砍斷浮橋直衝上游焚燬

賊船及被擄民船一百十餘號當將樟樹鎮收復副將周鳳山由新淦一路渡河進剿遊擊遮克敦布由奉新一路進剿著曾國藩陸元烺督飭各員迅將旁竄各匪勦洗以圖克復瑞州臨江無稍延緩現在新淦奉新均有匪蹤闖入雖因兵力較單究屬防堵不力署新淦縣知縣李作士奉新縣知縣竇煦均著革職戴罪隨營以